



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-79/22

Sarajevo, 06.01.2022.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Amre Hasagić, dostavlja se;

VEZA: Vaš akt broj:01-04-47661-9/21 od 28.12.2021. godine.

Zastupnica u Skupštini Kantona Sarajevo Amra Hasagić, na 46. Radnoj sjednici Skupštine Kantona Sarajevo održanoj dana 27.12.2021. godine, u okviru tačke Dnevnog reda "Poslanička/zastupnička pitanja, inicijative i odgovori" postavila je je pitanje:

„U kojoj fazi je proces donošenja Pravilnika o sistematizaciji radnih mjesta u Upravi policije obzirom da isti reflektira na konkurs koji je u toku?“

O D G O V O R

Donošenjem Zakona o izmjenama i dopunama Zakona o unutrašnjim poslovima Kantona Sarajevo ("Službene novine Kantona Sarajevo", br.26/19 i 39/20) i Zakona o izmjenama i dopunama Zakona o policijskim službenicima Kantona Sarajevo ("Službene novine Kantona Sarajevo", br. 26/19 i 39/20) započeo je sveobuhvatan i složen proces reforme u ovoj oblasti, a najznačajnija promjena u odnosu na ranija zakonska rješenja je uvođenje struke u policiju.

Navedenim zakonima propisana je obaveza da se Pravilnik o unutrašnjoj organizaciji Ministarstva unutrašnjih poslova Kantona Sarajevo uskladi sa odredbama pomenutih zakona. Rad na izradi Nacrta Pravilnika je u završnoj fazi. Izrada ovog propisa je složen proces. Nacrt pravilnika je obiman, s obzirom na broj sistematizovanih radnih mjesta. U trenutno važećem Pravilniku sistematizacija radnih mjesta ne propisuje stepen i vrstu školske spreme za svako radno mjesto policijskog službenika. Implementacijom reformskih zakona u Nacrt pravilnika za svako radno mjesto policijskog službenika ovo Ministarstvo ima obavezu da propiše:

-Uslove za vršenje poslova u skladu sa važećim Zakonom o policijskim službenicima, kojim je uvedena struka;

-Uslove za vršenje poslova za zatečene policijske službenike koji ne ispunjavaju uslove za vršenje poslova u pogledu vrste i/ili stepena stručne spreme.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



U izradi Nacrta pravilnika pored implementacije reformskih zakona moralo se voditi računa o načelu pravne sigurnosti i trenutno zaposlenim policijskim službenicima, čija stečena prava ne smiju biti narušena. U Nacrt pravilnika implementirane su i odredbe Uredbe o sadržaju, izgledu, dodjeli i oduzimanju činova policijskim službenicima Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj: 18/21), kojom je definisan opis radnih mjesta odnosno poslovi policijskih službenika po činovima od čina policajac do čina glavnog inspektora. Nacrt je usaglašen i sa odredbama Zakona o zaštiti na radu ("Službene novine Federacije BiH", broj:79/20) kojim je, između ostalog utvrđena obaveza poslodavca kod kojeg postoje poslovi sa povećanim rizikom da odredi jednog ili više radnika koji će obavljati poslove vezano za spriječavanje rizika na radu i zaštitu zdravlja radnika u zavisnosti od broja zaposlenika, kao i lokacija na kojima se obavljaju poslovi i zadaci te izvršeno usklađivanje sa Pravilnikom o uvjetima koje moraju ispunjavati radnici na zaštiti na radu, programu, sadržaju, načinu i troškovima polaganja stručnog ispita ("Službene novine Federacije BiH", broj:83/21).

Obzirom da je članom 19. Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20) propisano da Uprava policije poslove i zadatke iz svoje nadležnosti obavlja u okviru osnovnih organizacionih jedinica koje se utvrđuju pravilnikom i da unutar osnovnih organizacionih jedinica ministar na prijedlog policijskog komesara utvrđuje unutrašnje organizacione jedinice kako bi se na efikasan način osiguralo vršenje poslova iz nadležnosti rada osnovnih organizacionih jedinica Uprave policije, policijski komesar je predložio osnovne organizacione jedinice i unutrašnje organizacione jedinice s ciljem da se postigne bolja organizacija i podjela poslova, naročito imajući u vidu njihovu srodnost i povezanost. Predložena unutrašnja organizacija je uzela u obzir inicijative dostavljene od strane općina i zastupnika Skupštine Kantona Sarajevo. Pri izradi Nacrta pravilnika moralo se voditi računa o bitnim parametrima kao što su analiza, stanje i procjena stanja kriminaliteta, javnog reda i mira, saobraćaja i ostalih oblasti policijskog rada, broj stanovnika, geografski položaj i teritorija, objekti i sjedišta institucija od posebnog značaja sa aspekta sigurnosti (ambasade, vjerski objekti, sjedišta državnih institucija, obrazovne institucije, dvorane i stadioni za održavanje javnih manifestacija itd.). Utvrđivanje osnovnih i unutrašnjih organizacionih jedinica kao i konkretnih radnih mjesta vršeno je s ciljem da se postigne racionalnost i efikasnosti unutrašnje organizacije.

Svjesni činjenice da je postupak donošenja ovog propisa trajao duže, navedeni razlozi potvrđuje da je to bilo opravdano, u cilju pripreme kvalitetnog propisa, radi unapređenja sigurnosti građana Kantona Sarajevo.

S poštovanjem,

Prilog:
-CD x1.

Dostaviti:

- ①. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0) 33 286-701, 286-702,
Fax: + 387 (0) 33 226-445
Sarajevo, La Benevolencije 16

